



## Ilisimatitsissut Notat

Sagsnr. 2014-099222  
Dok.nr. 1564082

Postboks 909  
3900 Nuuk  
Tlf. (+299) 34 50 00  
Fax: (+299) 34 54 10  
E-mail: in@nanoq.gl  
[www.naalakkersuisut.gl](http://www.naalakkersuisut.gl)

### Pisortat sullissinerannut suliffeqarfiutaannullu atugassanngortitanik nunaminertanik tunniussineq (§§ 41 -42)

Nunaminertat atorneqanngitsut, pilersaarusiamut tunngaviusumi pisortat sullissinerannut suliffeqarfiutaannulluunniit atugassanngortitat illuliortitsisumut imalaalinnarlugit, tassa tamanut nalunaarutigeqqaarnagit aammalu innuttaasut allat pissarsiarinnissinnaanerannik periarfisseqqaarnagit, tunniunneqarsinnaanersut apeqquaavoq. Akissutigilertugassaq aappiuvoq, soorunami.

Pilersaarusrnermut inatsisip § 41-ani allassimavoq, kommuni ataavartumik pisussaaffeqartoq nunaminertanik sanaartorfissanik atunngitsunik nalunaaruteqartarnissamik. § 42-mi allassimavoq, nunaminertamik tunniussinissamik aaliangiisoqavitsinnagu qinnuteqaat tamanut saqqummiunneqqaassasoq, tamannali pisariaqassanngitsoq qinnutigineqartoq pilersaarusiamut tunngaviusumut naapertuuppat. Pilerausiornermut inatsit nunaminertanik atorneqanngitsunik immikkut saqqummiinissamik, piffissaliussanik, makitsissutiginninnermik il.il. immikkut illuinnartumik aaliangersagaqangilaq. Kommunit nunaminertanik tunniussinerni periaasissamik kommuneplanini aaliangersagaqarput (§22).

**Assersuut 1:** Kommuni rådhusiliassamut nutaamut sanaartorfissaliivoq. § 29 naapertorlugu kommunip isumagissavaa kommuneplanip malinneqarnissaa, tassalu sanaartorfissaq rådhusiliorfissanngortinnejareerpat, taava kommunip isumagissavaa rådhusiliortoqarnissaa. Qinnuteqaatip teknikkikkut aningaasaqarnikkullu ingerlanneqarsinnaaneranut uppernarsaat § 45 imm. 4 naapertorlugu kommunip piumasarisinnaavaa, § 29-lu naapertorlugu kommunip qulakkiigassaraa nunaminertamik tunineqartup rådhusimik ingerlatsisinnaanerata qulakteernissaa. Assigiimmik pinninnej qulakteerneqassaaq, nunaminertamik tunniussinermik atorluaasinnaasut tamarmik qinnuteqarsinnaanermut periarfissinneqarpata. Tassani qinnuteqarsinnaasoq ataasiuvoq. Pisortat kisimik nunaminertami tamaani

suliffeqarfimmik ingerlatsisinnaatillugit tamanna pisariippoq, tassani kommuni inatsisitigut kisimi tunngavissaqarmat kommunimi kommuniuunissamut.

**Assersuut 2:** Pisortalli sullissinerannut suliffeqarfiutaannullu namminersortunit aamma ingerlanneqarsinnaasunut tunngatillugu inatsit ersarlunnerulerpoq.  
Assersuutigeriarutsigu borgmesteri qineqqusaarnerup nalaani neriorsuuteqartoq amerlanerusunik inissialiortoqarnissaanik. Suliffeqarfiutilik ("S"-imik taagorsinnaasarput) inessianik neriorsuutaasunik sanaartortussatut neqerooruteqarpoq, piumasaraluguli nunaminertat illuliorfissanngortitaasut tamaasa S-ip nammineq sanaartorfigiumallugit. Kommuni maanna oqarsinnaanerluni inissiat sananeqarnissaat qulakkeerneqartoq, aningaasaqarnerup teknikkikut nalilersornerata kingorna taamaallaat S suliassamik kivitsisinnausuosoq aammalu assigiimmik pinninneq taamaammat qulakkeerneqarsimasoq, allat S-iunngitsut naak aperineqarsimanngikkaluartut? Assersuut taamatuttaaq aamma akilertorneqarsinnaavoq: Naagga, taamaaliortoqarsinnaanngilaq. Sooq? Tamanut saqqummiussinissaq, makitsinissaq il. il. pinngitsoortikkumagaanni piumasaqaatit tulliullutik allassimasut malillugit kommuni aaliangiisariaqassaaq:

**1. 1. Pisortat sullissisinnaanerannut suliffeqarfiutaannillu ingerlatsisinnaanermut neqerooruteqarnermut inatsisitigut tunngavissaq**

Kommunip kommuneplanimi aaliangersarluarsinnaavaa inessianik amerlanerusunik sanasoqarnissaa, tamatumali angunissaanut periarfissat amerlaqaat. Inissiat pisortanit sullississutaanngillat, pisortanit taamaallaat neqeroorutigineqartuuusut. Kommuni nunaminertanik imminut pissarisstissaguni pisortat sullissinissaat nunaminertamiluunniit sanaartorneqartussaq suliffeqarfik inatsisitigut tunngavissalerneqarsimassaqq, pisussaaffittut (pisussatut-aaliangersagaq, pinngitsoorani pisussaqq) imaluunniit periarfissaasutut (pisinnaasutut-aaliangersagaq, pinngitsaaliissutaanngitsoq). Kommuni inatsisitigut tunngavissaqarpat sullissinermik ingerlatsinissamik imaluunniit suliffeqarfimmik ingerlatsinissamik, taava kommuni nunaminertamik imminut tunisinnaavoq. Sullissineq suliffeqarfillu taamatuinnaq paasineqassanngilaq, ass. aamma sanaartugassatut pilersaarutaasunut ilaareersutut ilaatinneqartariaqarpod.

**2. 2. Pisortat kisimiillutik, namminersortunit aamma pisortanit, imaluunniit namminersortuinnavinnit ingerlanneqarnera. ingerlatsinermi akisussaaffik.**

Pisortat sullissineri suliffeqarfiutaannillu ingerlatsinerit pisortanit isumagineqartut pisariitsuupput, soorlu rådhusit, parnaarussiviit, sanaartornissamut pilersaarusaniani ilaareersut il.il. Tamanna taamaappoq ingerlatsineq allanut ingerlatassangortitaagaluarpalluunniit, apeqquataasoq tassaavoq sullissinermik ingerlatsinissamik pisortat akisussaaffeqarnerat. Tassa pisortat inatsisitigut

tunngavissalimmik suliaqarnissami pisariaqartitsiffiugaangat imminnut nunaminertamik tunisinnappaat.

Suliassat ilaat namminersortunit imaluunniit pisortanit ingerlatassaasinnaasarpuit. Atuarfiit, kollegiat aamma utoqqarnut inissiat assersuutaasinnaapput. Tamakkununnga tunngavissaasut iserfiginerunngikkaluarlugit, pingaarutilik tassaavoq inatsisitigut nalunaarutitigulluunniit tunngavilersorneqarsimanissaat aammalu pisortat taakkuninnga pisortat sullissinerannut suliffeqarfittulluunniit atugassangortitsisinnaanissaat atugassangortitsisussaanissaalluunniit. Taamaappata kommunip taakkununnga aamma nunaminertanik qulakkeerinissinnaavoq. Kommunip assersuutigalugu kommunimi atuarfissamut nunaminertassaq qulakkeersinnaavaa, aamma namminersortunik atuarfissamut nunaminertamik kissaateqartoqaraluarpalluunniit. Kommuni piviusorsiortumik tunngavissaqanngikkuni namminersortut atuarfiliornissaannut nunaminertamik tuninissaat akornusersinnaanngilaa, kommunilli atuarfeqarnissaq qulakkeerinniffigisussaavaa, taamalu taakkununnga nunaminertamik tunisinissaq, tassalu kommunimi atuarfeqarnermik ingerlatsinerup qanoq pisariaqartitsitiginera naapertorlugu.

Kommunip qulakkiigassaraa naammattunik atuarfeqarnissaq, kommunip atuarfiutigippagit namminersortuniilluunniit ingerlanneqarpata, taamaammat takorloorneqarsinnaalluarpoq kommunip atuarfimmut namminersortunit ingerlanneqartumut nunaminertamik atugassangortitsinissa. Tassanili qinnuteqartoq aaliangersimasoq kommunip nunaminertamut tassunga atuisussanngortissinnaanngilaa. Kommuni isumaqarsinnaavoq qinnuteqartoq taannaannaasoq periarfissatuaasoq, taamaattoqarluarsinnaavoq, pilersaarusiornermulli inatsimmi aaliangersakkat qulakkiigassaraat allamik qinnuteqartoqarsimanersoq misissussallugu, taakkulu qinnuteqarnissaannut periarfississallugit.

Suliap ingerlaneranut akisussaaneq apeqqutaavoq. Ingerlatsineq namminersortunut isumagisassanngorsimasinnaavoq, akisussaaffilli kommunimiittuartillugu, kommuni imminut aamma nunaminertamik tunisinnaavoq. Atuarfinnut pisortanit pigineqartunut namminersortunillu pigineqartunut pisariaqartinneqartunut tamanut nunaminertassanik kommuni imminut qulakkeerussinnaavoq, taavalu atuarfiup illutaa namminersortunut attartortillugu. Kommunili suli namminersortut nunaminertaatiminni namminneq atuarfiutiminnik sanaartornissaat tunngavissaqarnatik akornusersinnaassanngilaa, kommunili pisariaqartitsinini naapertorlugu nunaminertanik imminut qulakkeerussinnaavoq.

### **3. Pisortat-namminersortut suleqatigiinnerat**

Assersuut apeqquteqarnissamut pissutissaqalersitsisuusoq mittarfiuovoq, aamma umiarsualiviusinnaavoq, pisortanik piginneqateqarluni namminersortunut sanaartortitaasoq ingerlanneqartorlu. Pisortat suleqataasinnaassappata, qulaani soorlu allassimasoq, inatsisitigut tamanna tunngavissaqartussaavoq. Tassalu nunaminertamik tunniussineq pisortatut oqartussanit pigineqarpoq allatulluunniit

qulakkeerneqarsimassalluni nunaminertamik tunniussineq suliassamik malinnittuusoq, namminersortoq kinaagaluarnersoq malinnagu.

Suliassanut sanaartugassanut attuumassuteqvissunut sullissinermi pisortat minnerpaamik qulakkiigassaanni, namminersortunik suleqateqarsinnaanerup annertusineqarsinnaaneranik nassataqarsinnaasarpooq. Soorlu umiarsualiviup mikisunnguup inatsimmi sanaartugassamut attuumassuteqartunik sanaartugassatut piumasaqaataasut naammassisinnaassavai, umiarsualiverujussuulli umiarsuit takornariartaassuit sullittussaasarlugit. Tassalu namminesortut aningaasaliisuuusut isertitaqarnerunermut takornariaqarnerulernermit isertitaasunut peqataassapput.

Piviusorsiortumik tunngaveqarluni pisortat pilersaarummut peqataatinneqarsimappata, aammal u nunaminertamik sanaartorfissamik pisortanut tunniussisoqarsimassappat, pilersaarusiornermut inatsit aqqutiginagu inatsisikkut allakkut suliamut ilaanissaq akornutissaqanngilaq.

Pisortat annerusumik minnerusumilluunniit assigiinngitsutigut piginneqataaffeqarnerat suliarineqaraluarpalluunniit pingaarutilik tassaajuarpoq suliassamik naammassinnissinnaanersut inatsisitigut tunngavissalimmik. Ingerlatseqatigiiffiup qanoq suliarineqarnera pisortanit ingerlataanersoq namminersortuniilluunniit ingerlataanersoq pisut ilaanni aaliangeruminaassinnaasarpooq.

Piumasaqaataasinnaavoq, suliassanik suliarinninnissamut inatsisip aamma ingerlatsinerup tamanit malinnaavigineqarsinnaaneranut inatsisip ilaanissaa.

#### 4.

#### **5. 4. Qinnuteqarsinnaasoq ataasiinnaagaangat, inatsit alla malillugu**

Tassani assersuutaasinnaavoq aatsitassarsiorfik umiarsualiveqarnissamik pisariaqartitsisoq. Assersuut immaqa pitsavallaanngilaq, aatsitassarsiorfiit aatsitassanut inatsisip ataaniimmata, kisiannimi. Aatsitassarsiorfik sunut tamanut ungaseqaaq umiarsualiveqarnissamillu pisariaqartitsivoq. Tassanerpiaq allat umiarsualiveqarnissamik pisariaqartitsinissaat takorloorneqarsinnaanngilaq. Pilersaarusiornermut inatsit malillugu tamanna suli naammanngilaq, tassami tunngaviatigut allaqarsinnaanera ilisimanngilarput. Kisianni, aatsitassarsiornermut inatsit naapertorlugu, imaluunniit assersuutigalugu takornarialerinermut akuersissuteqartarnermut inatsit naapertorlugu, sumiiffimmi aaliangersimasumi qanoq pisoqarnissaanut kisarmaassisunissamik akuersissuteqartoqarsinnaavoq, nunaminertamillu tunniussinerit pisussamut attuumassuteqartussaassallutik.

#### **6. 5. Qinnuteqartoq perusunnerusaq**

Tamanna piumasaqaataanngilaq, eqqortumilluunniit oqaatigalgu unioqqutitsineruvoq. Kommuneplanip tunngavigisai aallaavigalugit sukumiisunik aaliangersagaliortoqarsinnaavoq, taamaalillunilu qinnuteqartut pimoorussinngitsut mattussinnaallugit. Tunngaviusorli tassa, aaliangersakkani sukumiinerusuni pilersaarummut piumasaqaateqarfiusuni aammal u pilersaarusiornermut inatsisip § 45-p imm. 4 naapertorlugu pilersaarutip teknikkikku aningaasaqarnikkullu

ingerlanneqarsinnaaneranut piumasaqaataasunut tunngatillugu, kommuni qanoq qaffasitsigigaluarnersumik qaffassisusiliisinnasoq. Killiliussamik qaangjisut akornanni makitsisoqartarpoq (allatulluunniit naaperttuilluarnikkut malitassat malillugit aaliangiisoqartarluni). Qinnuteqartut akornanni qinnuteqartoq aaliangersimasoq nullasinnerujussuarmik kusanarneroqisumilluunniit qaangiisimanersoq nalilersorneqarneq ajorpoq. Tassa qinnuteqartoq allanit teknikkikkut aningaasaqassutsimigulluunniit patajaappasinnerunersoq, imaluunniit qinnuteqartup aaliangersimasup ilaminit annerusumik kommuneplanimik naammassinninnissamut pitsaaneruffeqarnerusutut kommunalbestyrelsip isumaqarnera tunngavagineqarsinnaanngilaq. Piumasaqaatinik naammassinnittut tamarmik assigiimmik pineqassapput.

Inussiarnersumik inuullaqqusillunga  
Med venlig hilsen

Teit Groth  
Toqq/direkte 346714  
tegr@nanoq.gl